

## Մեդիագրագիտության շաբաթ Հայաստանում Նոյեմբերի 4-10, 2024

Մեդիա նախաձեռնությունների կենտրոնը և ՀՀ կրթության գիտության, մշակույթի և սպորտի նախարարությունը **2024թ. նոյեմբերի 4-10-ը** հայտարարում են **Մեդիագրագիտության շաբաթ** Հայաստանում և հրավիրում են ՀՀ բոլոր դպրոցներին, մանկապարտեզներին, բուհերին, գրադարաններին, կրթական և մշակութային կենտրոններին և այլ շահագրգիռ կառույցներին՝ միանալու շաբաթվան:

Մեդիագրագիտության շաբաթը ամենամյա նախաձեռնություն է, այն հնարավորություն է կրթության ոլորտի կառույցների ու կազմակերպությունների համար՝ օգտվելով [առկա կրթական ռեսուրսներից](#) միջոցառումներ ու դասեր անցկացնել, մասնակցել առցանց և դեմառդեմ հանդիպումների, ինչպես նաև մշակել և իրականացնել կրթական նախագծեր՝ նոր չափորոշյին համապատասխան ինտեգրելով մեդիագրագիտությունը կրթության մեջ:

Մեդիագրագիտության շաբաթը միջազգային շարժում է, որ ՅՈՒՆԵՍԿՕ-ի գլխավորությամբ անցկացվում է ամեն տարի աշնանը՝ նպատակ ունենալով ավելի մեծ ուշադրություն հրավիրել մեդիան հասկանալու, վերլուծելու, գրագետ և արդյունավետ օգտագործելու կարևոր խնդիրների վրա:

Հայաստանում Մեդիագրագիտության շաբաթն անցկացվում է արդեն յոթերորդ տարին, այս տարի՝ «Մեդիագրագիտությունը արհեստական բանականության դարաշրջանում» խորագրի ներքո:

Պանելային քննարկումներ, վարպետության դասեր, ուսուցչական մեծ ֆորում, հանդիպումներ և դասընթացներ գրադարաններում, համալսարաններում և դպրոցներում, մարզային հանդիպումներ, նոր գրքերի և ձեռնարկների շնորհանդեսներ, մարզային հանդիպում-քննարկումներ ոլորտի փորձագետների և լրագրողների հետ. միջոցառումները շատ են և բազմազան՝ նախատեսված բոլորի համար:

Արհեստական բանականությունը օրեցօր ավելի շատ է ձևավորում այսօրվա աշխարհը՝ ստեղծելով նոր հնարավորություններ, բայց մարտահրավերներ, որոնք հասկանալու, դրանց հետ աշխատելու և նորահայտ խայծերից խուսափելու միջոցներից մեկն էլ մեդիագրագիտությունն է:

Մեդիագրագիտությունն այն ուղեցույցն է, որ կարող է օգնել մեզ հասկանալ ինֆորմացիոն հոսքերը, ճանաչել որակյալ լրագրությունը, հետևել մեր թվային վարքին ու մեդիա հիգիենային՝ օգնելով ինքներս մեզ ու ուրիշներին փաստերի վրա հիմնված դատողություններ անել, ազատորեն քննարկել խնդիրները և տեղ հասցնել մեր ասելիքը՝ առանց վիրավորանքի ու ատելության, խուսափել ծուղակներից, վտանգներից, չտրվել քարոզչությանն ու կեղծիքին:

### *Ինչպես միանալ մեդիագրագիտության շարժման*

- Հետևել [ԿԳՄՍՆ](#) և [ՄՆԿ](#) ֆեյսբուքյան էջերին,
- Սովորել՝ անցնելով «Մեդիա լրագրություն» առցանց [դասընթացը](#) և նոր «5 մատի պես ճանաչել մեդիան» [դասընթացը](#),
- Ուսումնասիրել ՄՆԿ հրատարակած և ԿԳՄՍՆ կողմից երաշխավորված «Մեդիա լրագրություն» ուսուցչի [ձեռնարկը](#), դրա հիման վրա իրականացնել ուսումնական նախագծեր,
- Ուսումնասիրել ՄՆԿ հրատարակած [«5 մատի պես ճանաչել մեդիան» ձեռնարկը](#), իրականացնել դասընթացներ՝ առաջարկված թեմաներով՝ օգտագործելով ընդգրկված գործիքակազմը
- Ծանոթանալ մեդիագրագիտության այլ ռեսուրսների Media.am [կայքում](#), դրանց օգնությամբ անցկացնել դասեր, քննարկումներ, միջոցառումներ,
- Սովորողների հետ հանդիպման հրավիրել վստահելի լրագրողի կամ կազմակերպել այց որևէ լրատվամիջոց,
- Լսել [Էնցիկլոմեդիա փոդքասթների շարքը](#)՝ մեդիագրագիտության մասին
- Խաղալ մեդիագրագիտության [համակարգչային](#) և սեղանի խաղեր,

- Ուսուցիչների համար. մասնակցել առցանց կամ անցանց հանդիպումներին, հանդես գալ հոդվածներով մեդիայի և մեդիագրագիտության թեմաներով, կիսվել փորձով և իրականացրած նախագծերով:
- Ստեղծել և սոցիալական մեդիայում տարածել կրթական ու տեղեկատվական նյութեր, մեդիագրագիտության ուղերձներ ու կանոններ **#Եամեդիագրագետեմ**, **#մեդիագրագիտությանշաբաթ2024** հեշթեգերով:

Մեդիագրագիտության շաբաթվա հետ կապված հարցերի դեպքում գրել Մեդիա նախաձեռնությունների կենտրոնի մեդիագրագիտության ծրագրերի համակարգող Անի Եղիազարյանին՝ [ayeghiazaryan@mediainitiatives.am](mailto:ayeghiazaryan@mediainitiatives.am) էլ փոստի հասցեով կամ զանգահարել 095583616 հեռախոսահամարով:

---

*Մեդիագրագիտության շաբաթն անցկացվում է «Երիտասարդները գործելիս. Հայաստանում երիտասարդների գորեղացման և առաջնորդության խթանման» ծրագրի շրջանակում: Այն Եվրոպական միության և Կոնրադ Ադենաուեր հիմնադրամի կողմից ֆինանսավորվող նախաձեռնություն է, որն իրականացվում է Վորլդ Վիժն Հայաստանի, Մեդիա նախաձեռնությունների կենտրոնի և Գյումրու «Երիտասարդական նախաձեռնությունների կենտրոն»-ի հետ համատեղ:*

*Մեդիագրագիտության շաբաթը հնարավոր է դարձել Ամերիկայի ժողովրդի առատաձեռն աջակցությամբ՝ ԱՄՆ Միջազգային զարգացման գործակալության (ԱՄՆ ՄԶԳ) միջոցով:*